

## FRAMKVÆMDARÁKVÖRÐUN FRAMKVÆMDASTJÓRNARINNAR

2012/EES/59/17

frá 17. júní 2011

## um breytingu á ákvörðun 2009/719/EB um að heimila tilteknum aðildarríkjum að endurskoða árlegar vöktunaráætlanir sínar vegna kúariðu (\*)

(tilkynnt með númeri C(2011) 4194)

(2011/358/ESB)

FRAMKVÆMDASTJÓRN EVRÓPUSAMBANDSINS  
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 999/2001 frá 22. maí 2001 um setningu reglna um forvarnir gegn, eftirlit með og útrýmingu tiltekinnar tegunda smitandi heilahrönnunar<sup>(1)</sup>, einkum annarri undirgrein 1. mgr. b. í 6. gr.,

og að teknu tilliti til eftirfarandi:

- 1) Í reglugerð (EB) nr. 999/2001 eru settar reglur um forvarnir gegn, eftirlit með og útrýmingu smitandi heilahrönnunarsjúkdóma í dýrum. Þar er gerð krafa um að hvert aðildarríki starfi eftir árlegri áætlun um vöktun með smitandi heilahrönnunarsjúkdómum í samræmi við III. viðauka þeirrar reglugerðar.
- 2) Í reglugerð (EB) nr. 999/2001 er kveðið á um að árlega vöktunaráætlunin eigi að lágmarki að ná yfir tiltekinn undirhóp nautgripa sem um getur í 6. gr. Til þessara undirhópa skulu teljast allir nautgripir, sem eru eldri en 24 eða 30 mánaða, þar sem aldursmörk miðast við flokka sem mælt er fyrir um í liðum 2.1, 2.2 og 3.1 í I. hluta A-kafla III. viðauka við þá reglugerð.
- 3) Í viðaukanum við ákvörðun framkvæmdastjórnarinnar 2009/719/EB frá 28. september 2009, sem heimilar tilteknum aðildarríkjum að endurskoða árlegar vöktunaráætlanir sínar vegna kúariðu<sup>(2)</sup>, eru tilgreind 17 aðildarríki sem hafa heimild til að endurskoða árlega vöktunaráætlun sína í samræmi við reglugerð (EB) nr. 999/2001. Skráin nær yfir öll þau aðildarríki sem voru aðilar Evrópusambandsins fyrir 1. maí 2004, auk Slóveníu og Kýpur.
- 4) Hinn 9. desember 2010 samþykkti vísindanefnd Matvælaöryggisstofnunar Evrópu um líffræðilega hættu (Biohaz) vísindalegt álit á annarri uppfærslu á áhættumati á heilbrigði manna og dýra í tengslum við endurskoðun á fyrirkomulagi vöktunar vegna kúariðu í sumum aðildarríkjum.<sup>(3)</sup> (álitsgerð Matvælaöryggisstofnunar Evrópu frá 9. desember 2010). Í tengslum við álit Matvælaöryggisstofnunar Evrópu frá 9. desember 2010 var vísindanefndin um líffræðilega hættu beðin um að

greina fyrirleggjandi upplýsingar fyrir aðildarríkin 17, sem tilgreind eru í ákvörðun 2009/719/EB, og fyrir átta önnur aðildarríki. Vísindanefndin um líffræðilega hættu dró þá ályktun að öll aðildarríkin 25 hefðu í a.m.k. sex ár framfylgt eftirlitskerfi og varnaráðstöfunum vegna kúariðu eins og kveðið er á um í reglugerð (EB) nr. 999/2001. Í álitsgerð Matvælaöryggisstofnunar Evrópu frá 9. desember 2010 er staðfest að kúariðufaraldurinn sé á undanhaldi innan þeirra 17 aðildarríkja sem tilgreind eru í ákvörðun 2009/719/EB.

- 5) Í álit Matvælaöryggisstofnunar Evrópu frá 9. desember 2010 er einnig komist að þeirri niðurstöðu að yrði aldursmark fyrir prófanir vegna kúariðu í heilbrigðum nautgripum, sem slátrað er, hækkað upp í 72 mánuði mætti gera ráð fyrir að minna en eitt tilvik dæmigerðrar kúariðu slyppi framhjá greiningu á árinu 2011. Enn fremur er komist að þeirri niðurstöðu að ef prófunum vegna kúariðu á heilbrigðum nautgripum, sem slátrað er, yrði hætt frá og með 1. janúar 2013 myndi minna en eitt tilvik dæmigerðrar kúariðu sleppa framhjá greiningu á hverju almanaksári frá og með árinu 2013. Af þessum niðurstöðum má draga þá ályktun að áhættan fyrir heilbrigði manna og dýra yrði óveruleg ef prófanirnar, sem eru sem stendur notaðar vegna kúariðu, yrðu aðlagðar til samræmis við þær.
- 6) Með tilliti til niðurstaðna úr álit Matvælaöryggisstofnunar Evrópu frá 9. desember 2010 skal hækka aldursmörk fyrir flokka nautgripa að því er varðar dýr sem falla undir endurskoðaðar, árlegar vöktunaráætlanir þeirra aðildarríkja sem tilgreind eru í viðaukanum við ákvörðun 2009/719/EB. Af þeim sökum skal gefa þeim aðildarríkjum, sem hafa fengið heimild til að endurskoða árlega vöktunaráætlun sína, kost á því frá 1. janúar 2013 að nota aðrar en jafn skilvirkar sýnatökuáætlanir á meðan þau aðlagast faraldsfræðilegum aðstæðum.
- 7) Að því er varðar þau átta aðildarríki sem ekki eru tilgreind í ákvörðun 2009/719/EB er komist að þeirri niðurstöðu í álit Matvælaöryggisstofnunar Evrópu frá 9. desember að faraldsfræðilegar aðstæður dæmigerðrar kúariðu séu frábrugðnar í þeim fimm ríkja hópi sem telur Eistland, Lettland, Litháen, Ungverjaland og Möltu, auk annars hóps sem telur þrjú aðildarríki, nánar tiltekið Tékkland, Pólland og Slóvakíu.
- 8) Í fimm aðildarríkja hópunum hafa engin tilvik kúariðu verið greind síðan eftirlitskerfi Sambandsins var komið í fulla framkvæmd 1. maí 2004 og ættu faraldsfræðilegar aðstæður vegna dæmigerðrar kúariðu að teljast „a.m.k. jafngildar“ aðstæðum í aðildarríkjunum 17 sem tilgreind

(\*) Þessi EB-gerð birtist í Stjtið. ESB L 161, 21.6.2011, bls. 29. Hennar var getið í ákvörðun sameiginlegu EES-nefndarinnar nr. 35/2012 frá 30. mars 2012 um breytingu á I. viðauka (Heilbrigði dýra og plantna) við EES-samninginn, sjá EES-viðbætur við Stjórnartíðindi Evrópusambandsins nr. 43, 2.8.2012, bls. 3.

<sup>(1)</sup> Stjtið. EB L 147, 31.5.2001, bls. 1.

<sup>(2)</sup> Stjtið. ESB L 256, 29.9.2009, bls. 35.

<sup>(3)</sup> Tiðindi Matvælaöryggisstofnunar Evrópu 2010 8(12), 1946.

- eru í ákvörðun 2009/719/EB. Því ber að nota svipað prófunarfyrirkomulag hjá þessum hópi 22 aðildarríkja þar eð faraldsfræðilegar aðstæður eru sambærilegar innan þeirra allra.
- 9) Enn fremur er komist að þeirri niðurstöðu í álit Matvælaöryggisstofnunar Evrópu frá 9. desember 2010 að þróun á faraldri dæmigerðrar kúariðu í Tékklandi, Póllandi og Slóvakíu sýni tvær bylgjur í nýgengi dæmigerðrar kúariðu hjá hverjum fæðingaraldurshópi og í meðalaldri þeirra sem greinast með dæmigerða kúariðu. Mynstur síðari bylgjunnar teflir í tvísýnu því sem staðfest hefur verið um augljós líkindi milli þróunar á faraldri dæmigerðrar kúariðu innan þeirra 17 aðildarríkja, sem þegar hafa verið tilgreind í ákvörðun 2009/719/EB, og þessum hópi þriggja aðildarríkja. Að því er varðar þessi þrjú aðildarríki hefur Matvælaöryggisstofnunin komist að þeirri niðurstöðu að sem stendur myndi það ekki teljast upplýsandi að áætla fjölda þeirra tilvika þar sem dæmigerð kúariða hefur ekki fundist, yrði prófunaraldri breytt í þessum hópi.
  - 10) Hinn 26. mars 2010 lagði Lettland umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 11) Hinn 16. júní 2010 lagði Eistland umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 12) Hinn 7. október 2010 lagði Litháen umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 13) Hinn 21. október 2010 lagði Lúxemborg umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 14) Hinn 27. október 2010 lagði Þýskaland umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 15) Hinn 24. nóvember 2010 lagði Grikkland umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 16) Hinn 26. nóvember 2010 lagði Slóvenía umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 17) Hinn 30. nóvember 2010 lagði Svíþjóð umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 18) Hinn 13. desember 2010 lagði Spánn umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 19) Hinn 13. desember 2010 lagði Belgía umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 20) Hinn 13. desember 2010 lagði Finnland umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 21) Hinn 14. desember 2010 lagði Danmörk umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 22) Hinn 15. desember 2010 lagði Bretland umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 23) Hinn 15. desember 2010 lagði Austurríki umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 24) Hinn 20. desember 2010 lagði Írland umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 25) Hinn 23. desember 2010 lagði Portúgal umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 26) Hinn 5. janúar 2011 lagði Kýpur umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 27) Hinn 13. janúar 2011 lagði Ítalía umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 28) Hinn 18. janúar 2011 lagði Holland umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 29) Hinn 19. janúar 2011 lagði Frakkland umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 30) Hinn 11. febrúar 2011 lagði Ungverjaland umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 31) Hinn 14. febrúar 2011 lagði Malta umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
  - 32) Umsóknirnar, sem þessi 22 aðildarríki lögðu fram, reyndust uppfylla allar þær kröfur er vörðuðu endurskoðun árlegu vöktunaráætlanna sem mælt er fyrir um í 1. mgr. b. í 6. gr. reglugerðar (EB) nr. 999/2001 og settar fram í 7. lið í I. hluta A-kafla III. viðauka. Af þeim sökum skal heimila þeim að endurskoða árlega vöktunaráætlun sína vegna kúariðu.

- 33) Í reglugerð ráðsins (EBE) nr. 706/73 frá 12. mars 1973 um Bandalagsákvæði sem gilda um Ermarsundseyjar og Mön og varða viðskipti með landbúnaðarvörur <sup>(1)</sup>, er kveðið á um að heilbrigðislöggjöf Sambandsins um dýr, dýraafurðir og matvæli skuli gilda um Ermarsundseyjar og Mön með sömu skilyrðum og í Breska konungsríkinu að því er varðar landbúnaðarvörur sem eru fluttar inn til eyjanna eða fluttar út frá þeim til Sambandsins. Hins vegar gildir ákvörðun 2009/719/EB ekki sem stendur um eyjarnar þar eð Bretland lagði ekki fram viðeigandi gögn þegar ákvörðunin var samþykkt.
- 34) Bretland hefur nú lagt fram viðeigandi gögn er varða faraldsfræðilegar aðstæður og framkvæmd löggjafar Sambandsins varðandi kúariðu á Ermarsundseyjum og Mön. Þessi gögn sýna að faraldsfræðilegar aðstæður kúariðu á þessum eyjum eru sambærilegar við Bretland og að allar viðeigandi kröfur, sem mælt er fyrir um í 1. mgr. b. í 6. gr. og settar fram í 7. lið I. hluta A-kafla III. viðauka við reglugerð (EB) nr. 999/2001, eru uppfylltar. Ákvörðun 2009/719/EB skal því gilda um þessar eyjar.
- 35) Hinn 15. febrúar 2011 lagði fastanefndin um matvælaferlið og heilbrigði dýra því næst fram jákvætt álit á drögum að ákvörðun um breytingu á ákvörðun 2009/719/EB sem heimilar tilteknum aðildarríkjum að endurskoða árlegar vöktunaráætlanir sínar vegna kúariðu. Þessi drög að ákvörðun, sem framkvæmdastjórn Evrópusambandsins hefur þó ekki samþykkt, heimila aðildarríkjunum 22 að nota endurskoðað og samhæft prófunarfyrirkomulag vegna kúariðu frá og með 1. júlí 2011.
- 36) Matvælaöryggisstofnun Evrópu samþykkti 13. apríl 2011 vísindalegt álit á endurskoðun áhættu fyrir heilbrigði manna og dýra í tengslum við endurskoðun á fyrirkomulagi vöktunar vegna kúariðu í þremur aðildarríkjum ESB <sup>(2)</sup>. Í þessu álit er komist að þeirri niðurstöðu að líkanið, sem lagt er til grundvallar ásamt viðbótargögnum um niðurstöður vöktunar frá einu ári í viðbót, nánar tiltekið gögnum frá árinu 2010, sýni fram á að tiltrú á spánni um fjölda tilfella frá árinu 2000, innan aldurshópsins í Tékklandi, Póllandi og Slóvakíu, hafi aukist verulega. Af þessum sökum og á grundvelli niðurstaðna greininga sem gerðar hafa verið komst Matvælaöryggisstofnun Evrópu að þeirri niðurstöðu að kúariðufaraldurinn sé nú á hröðu undanhaldi í þessum þremur aðildarríkjum.
- 37) Í álit Matvælaöryggisstofnunar Evrópu frá 13. apríl 2011 er einnig komist að þeirri niðurstöðu að yrði aldursmark fyrir prófanir vegna kúariðu í heilbrigðum nautgripum, sem slátrað er, hækkað upp í 72 mánuði mætti gera ráð fyrir að minna en eitt tilvik dæmigerðrar kúariðu slyppi framhjá greiningu á árinu 2012. Af þessum niðurstöðum má draga þá ályktun að áhættan fyrir heilbrigði manna og dýra yrði óveruleg ef prófanirnar, sem eru sem stendur notaðar vegna kúariðu, yrðu aðlagðar til samræmis við þær.
- 38) Hinn 10. febrúar 2011 lagði Tékkland umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
- 39) Hinn 15. febrúar 2011 lagði Slóvakía umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
- 40) Hinn 26. apríl 2011 lagði Pólland umsókn fyrir framkvæmdastjórnina um endurskoðun á árlegri vöktunaráætlun vegna kúariðu.
- 41) Umsóknirnar, sem þessi þrjú aðildarríki lögðu fram, reyndust uppfylla allar þær kröfur er vörðuðu endurskoðun árlegu vöktunaráætlananna sem mælt er fyrir um í 1. mgr. b. í 6. gr. reglugerðar (EB) nr. 999/2001 og settar fram í 7. lið í I. hluta A-kafla III. viðauka. Af þeim sökum skal þeim heimilt að endurskoða árlegar vöktunaráætlanir sínar vegna kúariðu og prófunarfyrirkomulag vegna kúariðu innan þessara þriggja aðildarríkja skal samræmt því fyrirkomulagi sem fékk jákvætt álit hjá fastanefndinni um matvælaferlið og heilbrigði dýra 15. febrúar 2011.
- 42) Að teknu tilliti til nýrra aðstæðna sem upp hafa komið síðan atkvæði voru greidd skal ekki samþykkja þau drög að ákvörðun, sem fastanefndin um matvælaferlið og heilbrigði dýra gaf jákvætt álit á 15. febrúar 2011, og leggja skal fram ný drög að ákvörðun, til álita fyrir fastanefndina um matvælaferlið og heilbrigði dýra, um að rýmka þau ákvæði sem þegar hafa verið samþykkt með atkvæðagreiðslu fyrir Tékkland, Pólland og Slóvakíu.
- 43) Því ber að breyta ákvörðun 2009/719/EB til samræmis við það.
- 44) Þessi ákvörðun skal gilda frá og með 1. júlí 2011 til að gefa aðildarríkjunum nægilegan tíma til að aðlaga aðferðir sínar við vöktun vegna kúariðu að breytingunum sem gerðar eru á ákvörðun 2009/719/EB með þessari ákvörðun.
- 45) Ráðstafanirnar, sem kveðið er á um í þessari ákvörðun, eru í samræmi við álit fastanefndarinnar um matvælaferlið og heilbrigði dýra,

HEFUR SAMÞYKKT ÁKVÖRDUN ÞESSA:

*I. gr.*

Ákvörðun 2009/719/EB er breytt sem hér segir:

1) Í stað 2. gr. komi eftirfarandi:

„2. gr.

1. Endurskoðaðar, árlegar vöktunaráætlanir skulu einungis gilda um nautgripi sem eru fæddir í þeim aðildarríkjum sem tilgreind eru í viðaukanum og skulu a.m.k. ná yfir eftirfarandi hópa:

<sup>(1)</sup> Stjútíð. EB L 68, 15.3.1973, bls. 1.

<sup>(2)</sup> *Tíðindi Matvælaöryggisstofnunar Evrópu* 2011 9(4), 2142.

- a) alla nautgripi, eldri en 72 mánaða, sem slátrað er á hefðbundinn hátt til manneldis eða sem er slátrað í tengslum við herferð til að útrýma sjúkdómi en sýna engin klínísk einkenni sjúkdóms, eins og um getur í lið 2.2 í I. hluta A-kafla III. viðauka við reglugerð (EB) nr. 999/2001,
- b) alla nautgripi, sem eru eldri en 48 mánaða, sem fara í neyðarslátrun eða fá athugasemdir við skoðun fyrir slátrun, eins og um getur í lið 2.1 í I. hluta A-kafla III. viðauka reglugerðar (EB) nr. 999/2001,
- c) alla nautgripi, sem eru eldri en 48 mánaða, eins og um getur í lið 3.1 í I. hluta A-kafla III. viðauka við þá reglugerð, sem hafa drepist eða verið aflífaðir en ekki:
- i. aflífaðir til eyðingar samkvæmt reglugerð framkvæmdastjórnarinnar (EB) nr. 716/96 (\*),
  - ii. aflífaðir í tengslum við farsótt, t.d. gin- og klaufaveiki,
  - iii. slátrað til manneldis.
2. Þegar nautgripir, sem tilheyra þeim dýraflokkum sem um getur í 1. mgr. og eru fæddir í einu þeirra aðildarríkja sem tilgreint er í viðaukanum, eru prófaðir vegna kúariðu í öðru

aðildarríki, gilda þau aldursmörk sem eru í gildi í því aðildarríki þar sem prófanirnar eru framkvæmdar.

3. Þrátt fyrir a-lið 1. mgr. geta aðildarríkin, sem tilgreind eru í viðaukanum, ákveðið frá og með 1. janúar 2013 að prófa einungis lágmarksfjölda sýna árlega úr undirhópunum sem um getur í þeim lið.

(\*) Stjtið. EB L 99, 20.4.1996, bls. 14.“

2) Viðaukinn við þessa ákvörðun kemur í stað viðaukans.

2. gr.

Ákvörðun þessi kemur til framkvæmda frá og með 1. júlí 2011.

3. gr.

Ákvörðun þessari er beint til aðildarríkjanna.

Gjört í Brussel 17. júní 2011.

*Fyrir hönd framkvæmdastjórnarinnar,*

John Dalli

*framkvæmdastjóri.*

VIÐAUKI

„VIÐAUKI

**Skrá yfir þau aðildarríki og yfirráðasvæði sem hafa heimild til að endurskoða árlegar vöktunaráætlanir sínar vegna kúariðu**

- Belgía
  - Tékkland
  - Danmörk
  - Þýskaland
  - Eistland
  - Írland
  - Grikkland
  - Spánn
  - Frakkland
  - Ítalía
  - Kýpur
  - Lettland
  - Litháen
  - Lúxemborg
  - Ungverjaland
  - Malta
  - Holland
  - Austurríki
  - Pólland
  - Portúgal
  - Slóvakía
  - Slóvenía
  - Finnland
  - Svíþjóð
  - Bretland og Ermarsundseyjar og Mön“
-